

Headline	TNB digesa beri rebat khas kurangkan beban rakyat		
MediaTitle	Utusan Malaysia		
Date	23 Apr 2016	Language	Malay
Circulation	171,663	Readership	563,000
Section	Dlm Negeri	Page No	9
ArticleSize	126 cm ²	Journalist	N/A
PR Value	RM 7,471		



TNB digesa beri rebat khas kurangkan beban rakyat

KUALA LUMPUR 22 April - Pergerakan Pemuda UMNO mendesak Tenaga Nasional Berhad (TNB) supaya menawarkan rebat khas bersifat *one off* setiap bulan bagi mengurangkan beban rakyat sepanjang fenomena El Nino.

Naib Ketuaanya, Khairul Azwan Harun berkata, TNB tidak sepatutnya mengambil kesempatan mengaut keuntungan berlebihan ekoran cuaca panas terik yang dideritai rakyat ketika ini.

“Pemuda UMNO prihatin dengan keperitan rakyat akibat fenomena El Nino yang melanda negara ketika ini sehingga mengakibatkan sebilangan sekolah ditutup ekoran cuaca panas yang melampau.

“Sudah pastinya rakyat akan menggunakan tenaga elektrik lebih daripada kebiasaan bagi perkakas elektrik seperti pendingin hawa, kipas serta peti sejuk,” katanya dalam ke-

nyataan di sini hari ini.

Menurut beliau, sebarang cadangan mengenai penjimatan penggunaan tenaga elektrik adalah tidak sesuai kerana keperluannya sangat mendesak.

Beliau berkata, hanya dengan kaedah rebat khas itu dapat menjaga kepentingan dan memberi keadilan kepada rakyat, namun pihak TNB perlu memperhalusi formula dan kaedah pemberiannya.



KHAIRUL AZWAN HARUN

